



關里誌卷十一

譔述三

祭文

宋天聖八年歲次庚午三月甲寅朔越七日庚申四  
十五代孫大中大夫行尚書司封郎中新授知單  
州軍兼管內勸農及管勾開治溝洫河道事上柱  
國賜紫金魚袋勛謹率次代孫朝奉郎行左司諫  
充龍圖待制新授知單州軍事兼管內河隄勸農  
同郡牧使輕車都尉賜紫金魚袋道輔等謹以清  
酌庶羞之奠敬致祭于

聖祖至聖文宣王惟王德體上聖道尊大古歷帝師  
資群倫宗主兩曜麗天四瀆橫寓爰念叢軀叨承  
世譜刻意弱齡服膺遺矩筮仕聖朝策名藝圃無  
德以居惟聖是怙昔蒞縣封躬持脩脯自解銅章  
建塵金組涉歲滋深之官旁午雖有子孫嗣守邦  
王恨遠袞華徒瞻首顛旣涉郎臺更直帝土覲荷  
隆構少寧丹府紹慶門闕授之道輔主上纘臨官  
崇遺補言路是開德音斯普召備諫垣日親殿庶  
操履且嚴發揮有覲上贊皇猷下幹文蠱忠孝克  
孚鄉校不侮內閣進班端闡布武得請天辰試才

汶潞惟勛抗章無臨單父同別鬆堆俱分銅虎輝  
耀鴻都歸還故魯林迹五衢春融九鴈景物熙熙  
原田膺膺式仰威靈奚當鼓舞集是慶榮蓋承訓  
詁乃竭精誠用潔罍無虔祭吉辰丕昭多祐惕之  
中心弗窮覲縷以充國公頽子七十二賢二十一  
先儒配尚饗

維景祐二年歲次乙亥六月癸丑朔越九日辛酉  
四十五代孫龍圖閣直學士朝請大夫右諫議大  
夫知兗州軍府事兼管內勸農事及管勾提舉兗  
鄆濮濟州清平軍兵馬衣甲巡檢公事上輕車都

對魯郡開國侯食邑一千一百戶實食封二百戶  
賜紫金魚袋道輔謹以清酌庶羞之奠敢昭告于  
聖祖至聖文宣王道輔早持邦憲黜典淮城方數月  
間遷守徐域大君之惠樂諫旌忠亦以祖聖慶徐  
能守直道不寘於法儒者進則事君退則事親忠  
孝之道祖教之本後嗣弗克守其孰能行之昔曾  
子耕山無祿能事父母今道輔位爲大夫權任方  
面嚴父慈母不能歸養豈聖意乎因西鄉拜章天  
從其欲詔守故魯對敷休命且厚於親者薄於位  
深於道者淺於利脩其身者尊其祖明於禮者先

道輔不佞敢不事親守道恭祖致祀將無忝  
祖聖之慶夫日月之運天地之久不言之化也贊  
日月之明合天地之功言成其化者祖聖之教也  
明天子北面事之如親弟子禮固不假後昆辭而  
尊之然後爲貴也今魯授之政至治之初洒掃祠  
壇蠲潔牲幣染盛庶品祈享厥誠惟福流於親益  
永其齡以克國公顏子七十二賢二十一先儒從  
祀配神尚饗

元延祐六年歲次己未六月乙酉朔越二十五日乙酉  
朝列大夫山東東西道肅政廉訪使劉文謹以

清酌之奠致祭于

大成至聖文宣王惟王爰出手類自生而知德配乾坤道光日月總無極於覆載破未悟以通明爲古今師懷帝王器全集大成之教決開榮進之源希用報章式陳明薦尚饗

維至正二十一年九月乙酉朔越九日丁巳銀青光祿大夫中書平章政事知河南山東等處行樞密院事兼陝西諸道行御史臺御史中丞察罕帖木兒謹遣本省都事尹師彥以太牢清酌之奠致祭于

大成至聖文宣王粵自聖德巍巍難名儀範百王而師表萬世者也欽我皇元雅尚斯文屢嘗遣使禋祀於廟庭其崇重之道度越千古頃緣妖寇鳩張梗我王化垂及五稔祀享之典遂成曠弛茲者躬承上命爰討不庭大振天聲而東土克寧魯邦戾止遐瞻墻仞軍旅事殷未遑與祭敬遣輔行敢伸昭薦以充國復聖公邾國宗聖公沂國述聖公鄒國亞聖公配尚饗

至正二年歲次壬午十二月戊戌朔越二十二日丁巳集賢學士中奉大夫郭孝基等以香酒太牢

之奠致祭于

先聖大成至聖文宣王惟王宗主名教表正彝倫並  
日月明同天地仁晝萬古之夜人四海之民惟中  
國之爲中國實有賴於斯文欽惟皇上念闕里爲  
毓聖之地故特祭遣一介之臣香承手錫酒分上  
尊惟中書欽若休命用敬助相禮之錢緡牲牢旣  
設簠簋斯陳神之格思歆此明禋以充國復聖公  
邾國宗聖公沂國述聖公鄒國亞聖公配尚饗

國朝成化八年歲次壬辰十二月癸亥朔越二十有  
七日乙丑巡按山東監察御史林榮謹以牲醴之

儀敢昭告于

大成至聖文宣王曰天地至大也然西北或傾東南  
或缺則大者有時而窮日月至明也然旣中必曷  
旣盈必食則明者有時而晦山嶽至高也然高岸  
爲谷深谷爲陵則高者有時而卑河海至深也然  
瓠隄之決桑田之變則深者有時而竭若夫至大  
而無窮至明而無晦高矣而不可卑深矣而不可  
竭其惟我夫子之道乎夫子之道何人倫日用之  
當行者是耳前乎千萬世之旣往後乎千萬世之  
方來爲君臣父子長幼夫婦朋友者而不悖乎是

馬則君仁臣忠父慈子孝長幼有序夫婦有別朋  
友有信人而謂之人國而謂之國一或悖焉則君  
不君臣不臣父不父子不子長幼無序夫婦無別  
朋友無信人將近於禽獸中國淪胥於夷狄矣然  
則夫子之道可得而窮可得而晦可得而卑可得  
而竭也哉今距夫子之生已二千年歷代之君追  
王而師尊之通祀徧于天下封後人以上公之爵  
立官以教其子孫凡天下之人能誦夫子之言而  
明其道者咸委用之大者論道經邦小者分理庶  
務布列于中外我

朝因之有加無已其崇德象賢尊儒重道之意可謂  
至矣然非以是足報稱於夫子也蓋將以闡明世  
教而壽國脉也榮自有識莊誦夫子之言其於夫  
子之道譬猶以塵窺天木能見其萬一然非足以  
叨清秩而竊祿于朝碌碌無補於人國恒以孤夫  
子之澤是懼茲者謬承

上命來按山東道夫子之故鄉值歲聿云暮是用言蠲  
祀事祗謁廟庭且敬陳斯道功用之大凡使相禮  
者聞而告之人人庶幾風教之一助尚饗

維成化九年歲次癸巳月日五十八代孫壻廣東

等處提刑按察司僉事胡榮敢昭告于

大成至聖文宣王曰惟吾夫子體道設教立言垂範  
俾後世學者講明力行可以復吾性之固有而盡  
天職之所當為也然傳聞之的每出乎家庭風化  
之原尤謹乎親戚故在當時詩禮有聞中庸有作  
者皆道之真傳而素行可妻復詩謹言者斯擇之  
為子婿自是厥後嗣世多賢續承家學以副歷代  
尊顯之意者固難悉數迨我

皇明丕崇聖教廣建學以育才重賢科以取士而文  
孫公恂與榮同第進士官近侍因復為之妹婿絲

蘿托好席蔭良多邇者同膺寵擢公恂位輔

青宮日侍講讀有行道之兆榮祇奉璽書督學東廣

有明道之責實家庭親戚無疆之休顧榮愚昧於

道未聞曷克荷

聖天子委任而振吾夫子之遺教耶謹躬詣闕里特申  
虔告尚冀協相陰誘予衷俾榮小子克舉教事勸  
學而學政日興造士而士風日厚期無忝於  
國命而有光於斯道牲醴薄陳庶幾昭格尚饗

維成化十一年歲次乙未二月吉日山東提督學  
校僉事畢瑜謹告于



大成至聖文宣王神位前曰於戲天地綱常斯文元氣王實主之瑜奉

命東來布宣

聖天子文教於王之鄉邦敬再拜稽首於闕里之下就王而質焉竊惟王嘗有意變齊至魯變魯至道惜當時一變之功僅小試於魯而不用於齊今天下一家誦王之六經者莫不尊王之道以爲治爲教瑜不德無以塞明詔尚資神化以裁狂簡俾齊魯多士咸知向道庶不辱王過化之鄉謹告

維成化十四年歲次戊戌三月癸亥朔越十七日

己卯工部管泉主事徐源敢昭告于

大成至聖文宣王曰惟王至德不可以名贊大道無待乎揄揚而獨千載之上不幸不得遊吾聖人之門千載之下何幸而得遊聖人之鄉雖曰熟仰乎學宮之廟貌曷若躬覩乎闕里之門墻燭燼固不足以窺望日月之明而實慶幸學者之輝光也謹以牲帛醴果之儀式陳明薦尚饗

維成化十四年歲次戊戌三月癸亥朔越初九日  
辛未

欽差刑部郎中張文山東布政使司右布政使阮勤

謹以清酌庶羞之奠敢昭告于

大成至聖文宣王惟王德並乾坤功參造化由生民  
以來為獨盛自天子而下為獨尊凡在斯人霑溉  
餘潤僻居遐壤者猶不忘於起敬况親過其門者  
乎文等祇奉綸音有事東魯覓杏壇之故跡望闕  
里而奔趨目擊門墻心切瞻仰敢以菲儀用伸薦  
告尚饗

維成化十五年歲次己亥八月甲申朔越二十六  
日己酉工部主事洪漢敢昭告于  
大成至聖文宣王漢祇承

朝命來治漕河自濟寧望曲阜地方百里由丁酉歷  
己亥歲忽三年近聖人之居若此其甚飲洙泗之  
波如彼其久茲緣公期行將申命敢以牲幣庶羞  
之奠恭詣廟庭用申虔告尚饗

惟成化十五年歲次己亥二月壬子朔南京吏部  
尚書錢溥奉

勅致仕偕南京右軍都督同知王銓山東兗州府知  
府李鳴鳳謹以羊豕清酌之奠敢昭告于

大成至聖文宣王於惟宣聖德配天地妙參贊于一  
心道述帝王貫古今而一揆此其所以如天不可

階而升如日月不可踰其明集群聖之大成而賢  
於堯舜者也溥佩服聖教敷歷

天朝勅賜歸老敬趨闕里少陳洞酌以告厥成尚饗  
維成化十六年歲次庚子二月辛亥朔越初五日  
乙卯巡按山東監察御史張蕙謹以牲醴庶羞之  
奠敢昭告于

大成至聖文宣王曰惟王肇自生民以來凡爲帝王  
者孰不惟王是師凡從事於吾道又孰非王之徒  
蕙欽承

上命按臨是邦誦王之書惟恐弗逮於躬行履王之鄉  
奚敢不先於報本方圖脩舉大新數仞宮墻期至  
落成永昭

九重恩典茲當經始謹告

維成化十七年歲次辛丑正月丙子朔越十八日  
癸巳五十八代孫兗州府鄒縣儒學訓導孔公易  
敢昭告于

聖祖大成至聖文宣王夫人并官氏曰惟王道高德  
厚遺澤綿長派分南北千載流芳曩自有宋南渡  
浙江宗親扈從僑寓衢邦去魯已久景仰弗忘茲  
蒙恩庇分教鄰庠得瞻林廟局表衷腸謹備牲醴

承筮是將

聖祖在上奠祐洋洋尚饗

維弘治十六年歲次癸亥九月甲子朔越二十七

日庚寅

欽差巡撫山東地方都察院右副都御史徐源等謹  
以禋牢之奠敢昭告于

大成至聖文宣王曰惟此闕廟近燬於災殆天厭敝  
大道何虧奉

命重脩群材悉充衆手紛作以堅構締梁木既起椽  
桷飛甍宮墻數仞美奐美輪巍巍素王功高堯舜

植我網常廟貌今稱工既告成

神靈亦宅祭祀萬年時饗斯集尚饗

維弘治十七年歲次甲子五月庚寅朔越二日辛  
卯榮祿大夫太子太保戶部尚書兼謹身殿大學  
士李東陽奉

勅代告闕里廟庭成事之後恭詣尼山謹率中書舍  
人喬宗以牲醴香燭之奠敢昭告于

先師大成至聖文宣王曰聖人之生必當貞元之會  
稟川嶽之精尼山之麓有洞口坤靈者實吾夫子  
之所生也仰惟德合元化道存六經集群聖之條

理開萬世之太平實吾人所賴以有成者也薦享  
之禮報答之義達上下遠邇而無間者天下之同  
情也瞻我闕里有嚴廟庭屬重建之舉爲代祀之  
行蓋統於專

命而不敢以附託爲私榮也故踰三日之祭而不遠  
數十里之程辨香之獻少牢之薦亦惟以致愚誠  
也若乃幼而學壯而行爲子而孝爲臣而忠嚴出  
處之分慎始終之節以質于幽明者方竊有志焉  
而懼未之能也尚冀

聖靈之如在乎上在乎左右者其幸鑒之庶幾無負

于心盟也謹告

四以配俱

元延祐六年歲次己未六月乙酉朔越二十五日乙酉朝列大夫山東東西道肅政廉訪使劉文謹以清酌之奠致祭于

兗國公惟公位崇亞聖名冠四科鼓瑟自怡樂道爲任有攀鱗附翼之志無施勞伐善之心禮祀大賢光隆永世尚饗

鄒國公惟公生稟淑質名推大才立王化之基治儒術之道遵行仁義距放邪淫垂萬世之憲言宜諸生之禮祀尚饗

維至正二十一年九月乙酉朔越九日丁巳銀青  
光祿大夫中書平章政事知河南山東等處行樞  
密院事兼陝西諸道行御史臺御史中丞察罕帖  
木兒謹遣本省都事尹師彥以太牢清酌之奠致  
祭于

宛國復聖公惟公德冠四科未達一間落心好學  
禹稷同貫茲仗節鉞廓清陰曠軍旅未遑與  
祭敬遣輔行載達情意尚饗

邾國宗聖公惟公三省其身一孝傳世獨得其宗  
道統相繼茲膺三命爰整其旅邾魯克平擴恢東

土敬遣輔行式陳豆俎尚饗

沂國述聖公惟公學傳心法道原性命中庸一書  
續述先聖茲承王命兵下山東屆爾魯邦仰止高  
風敬遣輔行庸展情悰尚饗

鄒國亞聖公惟公養氣知言推明善性攘闢異端  
以承三聖茲奉王命薄伐群孽載臨魯邦景慕先  
哲敬遣輔行式宣情切尚饗

維成化十一年歲次乙未三月初二日提督山東  
學校按察司僉事畢瑜謹告于

邾國亞聖公神位前曰於乎三代以下正學不明

邪說行天下久矣吾夫子沒而微言絕不有豪傑  
如子者出入孰知兼愛非仁為我非義人性本善  
無惡又孰知王道當尊霸功當黜然則夫子之後  
不可無子也明矣子嘗之齊之梁之滕拳拳以興  
學教民為務惜當時皆莫之用今

聖天子在上王道大行教養兼至茲欲率諸生皆明正  
學且知孝弟忠信自鄒魯始子其鄉人也幸相之  
以適我素餐之羞謹告

贊

正考父贊

王祭魏侍中

恂恂正父應德孔盛身為國卿族則公姓年在耆  
耄三葉聞政誰能不怠申茲約敬饘粥予口偃僂  
受命名書金鼎祚及後聖

夫子贊

勅巡撫山東通議大夫都察院左副都御史天水後  
學胡纘宗

一以貫之金聲玉振是謂大成賢於堯舜教在六  
經道該群聖生民以來未有獨盛

手植檜贊

米芾宋太常

煒東皇養白日御元氣昭道一動化機此檜植矯

龍怪挺雄質二千年敲金石紂治亂如一昔百代  
公蔭圭壁

手植檜聖像贊

元明善

乙巳冬十二月拜林廟還得手植檜把握許就刻  
之為宣聖顏孟十哲像且以文楷為龕像出于手  
檜為難其得於煨燼之餘又為難合是二難宜為  
儒家世寶迺百拜而為贊云

體則微理則全望之儼然就之溫然見其參於前  
手所植焉形所寓焉斂之管窺浩浩其天是倚以  
為甘棠之賢耶抑與夏鼎殷槃而傳也

謁廟贊

甄曩佳台

山東  
兗事

於戲天地吾知其大也料數莫逃乎管圭江河吾  
知其至廣也泳游不過乎航葦吾夫子之德出乎  
其類拔乎其萃自生民以來未之有也不江不河  
潤則有餘非日非月光無不及微夫子則不知其  
所以始微夫子則不知其所以終儀範百王憲章  
後世祀典常奉歷代有之孔林茂密子孫保之釋  
奠廟貌神其歆之

顏母山贊

孔公墳

學錄

厥初顏氏飽天地春毓鍾至聖卓冠群倫有光前



烈垂裕後昆惟木與水探本尋源并列寒泉廟開  
白雲千秋萬禩永格明禋

充國公頌

以下俱  
頌

張之宏

唐天寶  
曲阜令

珠毓滄溟鳳飛丹穴况德君子聞諸往說彼美充  
公儒林秀傑惠和天授聲聞風烈道成四友德淳  
十哲魯明御敗衛通哀洩宛爾龍蟠颯然鶴髮噫  
天喪予芝蘭已折 聖皇有道四隩攸同恩覆天  
于令發春風緬懷泗上睿相淹中俯徵魯禮贈此  
充公天書戾止儒術昭融弁冕再頌威光自雄皇  
情有實晒巷何空 昭昭良牧彬彬文質熊軾輔

風隼旗槩日嶽鎮鄒魯道流溟渤神秀踈聳靈鑒  
朗逸德柔去殺仁深濟物來思懷古中心悒鬱麥  
秀已謠黍離云述爰命作頌傳諸故實 瞻彼魯  
國地固人安龜鳧鬱氣洙泗鳴湍禮經雲委物產  
星攢以予作宰諒匪能官蒲城愧仲河陽謝潘焚  
絲可理製錦良難儉懷篋笥禮想雩壇塗荒露浥  
樹古風殘愛而不見慨然永嘆棟宇是葺金石斯  
刊悠悠千載其芳若蘭

顏回贊

以下俱宋大中  
祥符二年分贊

王旦

賢哉子淵惟仁是好如愚屢空鄰幾觀與用行舍

藏與聖同道封岱丁辰益茲榮號

閔損贊

子騫達者閔閔成性德冠四科孝先百行人無間  
言道亦希聖公袞增封均乃天慶

冉耕贊

王欽若

聖門達者德行為先洙泗來學顏閔差肩天封展  
禮公袞褒賢生則命寡歿而道宣

冉雍贊

不佞之仁具體之賢登彼堂奧用之山川代逢偃  
革禮畢升煙錫之三壤賁茲九泉

宰予贊

馮拯

綽彼宰予服膺宣父學洞堂奧名揚鄒魯再期設  
問五常垂矩遇我慶成增封茅土

端木賜贊

賜之望回獨云知二器稱瑚璉在禮斯貴服道稱  
師名  世公爵追崇時  肆類

冉求贊

陳堯叟

謙謙令德少著嘉聞敏於從政洽以斯文垂鴻報  
本道遇明君永錫徽稱載揚清芬

仲由贊

猗歟魯哲義勇無儔獨立不懼從政惟優欽屬仁  
聖勒封介丘褒賢進號載顯英猷

言偃贊

趙安仁

魯堂登科觀奧將聖武城之小可以觀政澹臺之  
舉行不由徑追建上公素風逾盛

卜商贊

詩動天地起予者商溫柔立教文學升堂雅頌得  
所治亂攸彰慶成加贈其道彌芳

曾參贊

張齊賢

孝乎惟孝曾子稱焉唐虞比德洙泗推賢服膺授

旨終身拳拳封巒飾贈永耀青編

顓孫師贊

堂堂張也商德與鄰尊賢容衆崇德依仁入趨函  
丈退而書紳升中優贈道與名新

澹臺滅明贊

温仲舒

不由徑行其直可貴不私見人其公可畏擊蛟既  
勇毀壁且義紀號益封旌厥賢士

宓不齊贊

天生良材為魯君子堂上琴作邑中民治伍人致  
逸受教成美展禮崇賢疏封有煒

原憲贊

向敏中

賢哉子思介然清淨貧惟固學道乃非病衣冠志  
敝草澤遂性升中進秩垂芳尤盛

公冶長贊

德行貞純公冶孰倫本非其罪枉拘厥身魯堂推  
善孔門配姻俾侯之貴久而彌新

南宮縚贊

寇準

南宮君子尚德聖門有道不廢危行孫言白圭三  
復執慎思存慶成旌善胙壤佳藩

公皙哀贊

賢哉季次履潔居貞卷懷不仕家臣是輕素王攸  
歎式昭令名封巒均慶侯社疏榮

冉日點贊

丁謂

侍坐堂中各言其志舍瑟而對超乎冉季浴沂舞  
雩詠詠道義遇我慶成錫壤進位

顏無繇贊

素王將聖實為我師顏子殆庶趨庭學詩請車無  
媿陋巷安卑追榮侯服逢此上儀

商瞿贊

晁迥

易之為善窮理盡性瞿也親受抗心希聖韋編靡

釋素風允兢展禮封侯千載輝映

高柴贊

倚歟子羔孝心篤矣慎終銜恤未嘗見齒難能而能君子知己考古褒崇於斯為美

漆雕開贊

李宗諤

闕里之堂邈矣難造倚歟子若實觀其與學優當仕非乃攸好明祀益封式稽古道

公伯寮贊

孔門達者服膺聖域函丈摠衣其儀不忒顯允君子有與有則禮洽慶成爵封侯國

司馬耕贊

揚億

仁遠乎哉其言也訥虛德實歸耽思旁訊違難迷邦奚虞悔吝疏爵丁辰寵名以峻

樊須贊

學優乃仕齒于家陪戒車為右誓衆靡回質疑辯問仁智既該建侯追榮垂裕方來

公西赤贊

王嗣崇

翊聖賢者徂徠之英謙言小相終成大名立朝儒雅出使光榮佐佑禮法諸侯作程

巫馬施贊

趙昌言

英英子施受天和氣 登魯堂位沉周季猶戴  
星庇民為治讓德進封垂芳永世

陳亢贊

於美子禽伏膺尼父問一得三垂訓千古名由實  
賓德以位序運屬封巒爵封介土

梁鱣贊

周起

玄聖舊邦森然精爽於惟子魚式瞻遺像紀號停  
鑿侯封錫壤儒道有光百王所仰

顏辛贊

增封雲嶺詔畢魯堂顯允君子令儀有章英槩如

挹德音不忘橫亘千古淳風載揚

奇孺贊

李維

聖人之道一以貫之允美子魯堂奧斯窺惟帝登  
代克陳上儀追封侯社沂水之湄

冉季贊

冉子挺生鍾是純粹游聖之門切磨道義時邁升  
中禮成肆類錫壤諸城式昭遺懿

伯虔贊

王曾

肅肅魯堂先先闕里伯氏達者克肖夫子運偶慶  
成禮崇追美後學式瞻高山仰止

公孫龍贊

子石鉅賢探微博古臬粹荆衡從師鄒魯令聞不  
已儀刑斯覩展義疏封遂荒故土

漆雕哆贊

咸綸

闕里稱賢哆也其一學以適道名參入室昔為達  
者今逢聖日俾侯獲陽膺茲寵秩

顏高贊

魯國諸生顏氏為盛達者升堂是以希聖龍章載  
加侯服輝映名著遺編人師徃行

漆雕徒父贊

陳彭年

受教聖人服勤墳籍如彼時術故能日益元封慶  
成介圭追錫圖形繪素鏤美金石

壤駟赤贊

猗歟壤駟信而好古■駕咸秦樞衣鄒魯言必成  
文動不踰矩成禮介丘追榮社土

林放贊

刁衍

子丘明哲道洽素風問禮之本為儒所宗東嶽稱  
美長山表封云停告畢慶澤荐隆

商澤贊

子季從師服膺儒雅闕里垂名同於達者昔寵睢

陽今旌鄒野遵偶登封荐臻純嘏

石作蜀贊

陳充

宣尼日月無得而踰粵有哲士嘗為學徒登封偶  
聖至德崇儒以地進爵斯文迺殊

任不齊贊

荆衡誕粹賢生其中服膺數仞誠明感通地邇長  
坂爵嘉素風虔遵祀典列在儒宮

申振贊

張知白

洙泗之秀橫經魯堂名亞十哲道尊五常時巡駐  
蹕關聖增光封侯錫命

公良孺贊

子幼真賢從師宣父服膺大猷配享終古運屬聖  
神時巡鄒魯五等疏封三綱式叙

奚容蒧贊

楊紳

雍容子皙 勤儒墨闕里橫經魯堂師德昔從游  
聘今逢檢勒皇錫信圭洙泗改色

句井疆贊

查道

衛之君子達者比肩服勤鼓篋學慕韋編升中覃  
慶儒術攸先徹侯疏爵闕里之賢

申黨贊



倚歟子周龜蒙垂裕昔叅八九今逢三暮淄川錫  
壤儒風載路拾玉旌賢昭我王度

公祖句茲贊

梅詢

子之生魯從師尼父恂恂闕里峩峩章甫非聖勿  
惟道是與千古而 侯齊土

榮旂贊

聖人之門學者先先彼美于祺行脩志淳異端茲  
害微言服勤格于我宋侯封是新

縣成贊

石中立

異能之士孔徒寔繁悅服至德祖述微言富稟天

爵游乎聖門追崇之典昨以侯藩

燕伋贊

陳知微

八九之徒俱傳大義賢哉子思道本無媿鍾灵咸  
鎬浴德洙泗增封沂源皇澤斯被

鄭國贊

懿彼子徒挺生闕里日遊聖門躬授微旨德音孔  
昭令聞不已疏爵胸山式旌遺美

秦非贊

王隨

七十之賢皆傳聖道彼美子之學臻堂奧玆席圭  
璋儒宮黼藻列爵華亭令名長保

施之常贊

懿彼施常學保儒雅魯國

賢孔堂違者跡晦

德高言寡侯封是

昭錫絕嘏

顏噲贊

張象中

回也庶幾諸顏迄之洙泗受業汶上從師輔翊儒  
道經營德基俾侯于濟君子攸宜

步叔乘贊

聖人之門子車服勤學以時習道宜日新數仞爰  
處函丈是親追封遺烈旌美儒臣

顏之僕贊

崔遵度

洙水悠悠子叔優優及肩等賜升堂並由元后時  
邁禮成介丘旌此違者爵為列侯

邁瑗贊

達哉君子外境內正好禮直躬衛風斯競瑞命昭  
錫元符報慶俾執千齡遇聖

叔仲會贊

劉錯

斯文有宗吾道不窮執筆迭侍惟賢比崇少成習  
貫函丈順風東巡駐蹕霽澤儒宮

顏何贊

木鐸興教英賢輔翼猗歟子冉疾張文德孝悌承

風詩禮是則千載丁辰始開侯國

狄黑贊

姜嶼

矯矯子哲來學有 依仁游藝攝齊升堂羽儀光  
聖物色上 林慮錫壤百世之光

邾異贊

陳謔

展矣子歛孔門高弟模範將聖博約六藝斯謂達  
者顯於當世追封列侯流芳永裔

孔忠贊

賢哉先生聖 夫子道貴希聖 斯行已闕里服  
膺國庠從祀載享侯封式昭德美

有若贊

王嗣宗

魯國高士 念烝民 類聖人

信義是陳

龜鑑群臣

秦用贊

錢惟演

惟聖享天陔于神房惟帝遵道升茲魯堂 君  
子宛兮清揚 先烈錫諸衣章

曹卹贊

楊紳

三千孔徒七十賢者子循服道聖門之下笙簧經  
籍輔翼儒雅爵為蔡侯名器匪假

秦祖贊

錢惟演

穆章甫

之輔

左人鄧贊

石中立

循循善誘從師

義

修道

隆

斯盛

儒建侯

休命

舊本落上五人贊今按碑增入自顏閔而下俱宋

真宗大中祥符二年禪泰山謁闕里躬率侍臣虔修

祀典親製

先聖贊命儒臣分贊諸賢杜預而下從祀者乃後儒

續贊耳

公西輿贊

范睢

鍾美齊疆從師魯國展矣斯人道臻聖域禮墨金

繩慶敷文德荐享侯封永光廟食

公西歲贊

劉錫

魯多學者勤遊聖祝羸惟肖歲也成性綽有餘

裕是亦為政追侯于徐用均天慶

琴牢贊

宋綬

及魯之始從師去里不談故藝善言攸紀非義罷

吊崇仁為美銘嶽益封用旌君子

左丘明贊

丁謂

猗歟左氏聞道素王依經作傳微旨用彰詞有餘  
韻人希末光慶封錫壤廣魯之疆

公羊高贊

晁迥

高也解經辨惑咸服學官所傳齊名左轂追獎肇  
封宸心允屬闕典彌縫斯文載郁

穀梁赤贊

李宗誥

仲尼脩經感麟絕筆赤也發揮奧義斯出立學名  
家道隆盛日列爵疏封式崇儒術

伏勝贊

楊億

伏生明經為秦博士祖習微言流離老齒壁藏其

文口授厥旨建號旌儒錫封仁里

高堂生贊

周起

秦曆告窮炎靈啟祚篤生令人允貞王度名教斯  
宗禮文有素勒封告成式昭餘裕

戴聖贊

名亡

安上治民惟禮為急賴君大儒發揮講習傳受寔  
繁其學遂立均慶疏封寵章斯及

毛萇贊

名亡

孔徒受業商也言詩研精古訓誰其嗣之毛公興  
學永代師資疏封錫命禮治禎期

孔安國贊

錢惟演

顯顯臨淮聖人之系訓傳遺文克示永世繪像廟  
庭聿章善繼東巡受封是為褒異

劉向贊

戚綸

漢宣之世穀梁興學子政大儒煥乎先覺道業光  
顯風流遐邇展采逢辰寵章優渥

鄭衆贊

陳彭年

經禮三百垂世作程仲師為訓其義昭明周官先  
覺漢室名卿元封班慶茂爵追榮

杜子春贊

查道

三川二室英靈所鍾學窮周制譽藹儒宗杏壇闕  
里差有比蹤一命作伯慶我天封

馬融贊

崔遵度

季長博洽為世通儒名立訓傳善誘生徒東觀文  
炳南國化孚躬圭之贈明我弁服

鄭玄贊

路振

漢德云季藝文乖舛實生純儒克明大典學徒既  
盛師道益顯疏爵昌辰允彰積善

服虔贊

子慎清介文綵詳練博通經史爰作訓傳百世之

下皇明乃睠登岱錫封永昭廟奠

賈逵贊

王曙

猗歟景伯為世通儒發明左氏富而不誣禮成大報澤浹中區躬圭褒異垂勸生徒

何休贊

何侯博達含章履温作為墨守是謂專門仙間接統驚冕推恩思樂膠序儒風益尊

王肅贊

子雍秉彛凜然正色達學多聞能窮先識益厚增高崇儒尚德介圭追榮丹青載飾

王弼贊

名亡

易之為教潔靜精微卓哉輔嗣極慮研幾大才逸辨玄理發揮慶成疏爵用峻等威

杜預贊

宋綬

博學多聞昔稱傳癖釋例既詳異論斯斥逮我慶成布昭純錫追寵公台增芳疏秩

范甯贊

豫章篤學通覽墳籍研講清婉沉精善釋律裁群疑敷陳至顯運偶慶成疏封霈澤

盧植贊

名亡

堂堂子幹學洞今古業紹師聞聘六四府登朝抗  
議排戈赴主吉禮告成遂聯圭組

荀况贊

名亡

道德不明邪說恣肆著書蘭陵持挈當世別白是  
非絲絡仁義要諸仲尼異乎不異

韓愈贊

名亡

倡始斯文不膠於物馳騫揚馬弁包莊屈富澤孔  
周觝排佛老言以行道世行爲一

周惇頤贊

朱熹

道喪千載聖遠言湮不有先覺孰開我人書不盡

言圖不盡意風月無邊庭草交翠

程顥贊

山立揚休玉質金聲元氣之會渾然天成麗日祥  
雲和風甘雨龍德正中厥施斯普

程頤贊

規圓矩方繩直準平允矣君子展也大成布帛之  
文菽粟之味知德者希孰識其貴

張載贊

蚤說孫吳晚逃佛老勇撤阜此一變至道精思力  
踐妙契疾書訂頑之訓示我廣居



邵雍贊

天挺人豪英邁蓋世駕風鞭霆歷覽無際手探月  
窟足躡天根閑中今古靜裏乾坤

司馬光贊

篤學力行清脩苦節有德有言有功有烈深衣大  
帶張拱徐趨遺像凜然可肅薄夫

朱熹贊

吳澄

義理玄微蠶絲牛毛心胸開豁海闊天高豪傑之  
才聖賢之學景星慶雲泰山喬嶽

孟子廟落成贊

郝幼學洪武中曲阜人

乾坤之陰坤靈孕秀爰毓亞聖光前繼後亞聖謂  
誰身維孟氏道統傳心上接冰泗揚墨塞路大道  
精刑儀泰縱橫治教不行不有哲人生民聳首鄉  
定有廟事祀維堂祀事之豐崇德報功巍巍棗楠  
燬于兵燹曰廟曰祀禮弗獲展歷彼莘孫孝孫思  
諒新廟是作遐邇瞻仰牲幣載陳遠豆嘉賓聖道  
昭明天地終始

銘

杏壇銘

高唐新繪關州

周室下衰王綱解紐非大聖人狂瀾莫救天挺夫

子生民未有立言範世木會金口三千之徒義由  
此受我瞻遺壇實為教育高代護持天長地久

手植檜銘

張頌元撰

宣聖手植檜燬于丙戌之火根或斃之歲久無遺  
後八十歲在癸巳是為至元三年頌來為教授甲  
午春仲東廡頽趾甃隙間茁焉其芽躬植復于故  
處矢之曰此檜日茂則孔氏日興明年春翠色葱  
然又明年丙申秩滿去喜矢言之有相也銘以識  
之其詞曰  
茲檜之幹高參于天茲檜之根深及于泉是為手

植自古有傳去聖伊何曰歲二千氣芳而達色殷  
而堅誰謂崑岡良玉以瘠誰謂斧斨美茹以連嘉  
種載衍有芽其卷茁乎甃間東廡之偏乃徙故處  
全其天然孔氏以興矢言有焉粵若三祀葱蒨羊

羊聖道以續聖澤以延肫肫其仁泐泐其淵自今

以始于億萬年曲阜志云宣聖手植檜一株在大

屈如龍形世謂之再生唐乾封二年又枯死至宋康

定元年復生有宋太常博士米芾石刻贊由是觀

乃康定復生之檜歎又燬于火今頌有者復于故

形但無五六高亦無三尺樹疑即頌所復者今

石刻贊在大成門內之右傍所復頌在大成門內

之左傍亦孔廟中之  
詩觀也因附著于此

魯壁銘

名亡

在天成象壁星主文聖人藏書所以順天也噫乾  
坤不可以久否故交之以泰日月不可以久晦又  
繼之以明文籍不可以久廢亦受之以興我夫子  
當周之衰則否屬魯之亂則晦及秦之暴則廢過  
漢之王則興其廢也賴斯壁而藏之其興也因斯  
壁而發之矧乎三墳言大道也述乎君則堯舜禹  
湯文武之業備矣述乎臣則臯夔稷契伊呂之功  
盡矣濟乎世則六府存矣化乎人則五教立矣向

使不藏魯壁盡委秦坑燬飛聖言灰竭帝道則後  
之為君者不聞堯舜禪讓之德禹湯征伐之功文  
武憲章之典將欲化民不亦難乎後之為臣者臯  
之述九德夔之和八音稷之播百穀契之遜五品  
伊之翊贊呂之征伐復欲致君不亦難乎世不知  
六府則無火食之人春卉服之衆與夷狄何同矣  
人不知五教則志父子之慈孝兄弟之友恭與鳥  
獸無別矣欲見熙熙之國政平平之王道不亦遠  
乎嗚呼金有贏玉有積防之以關鍵固之以緘滕  
人必有竊而求之者蓋重利也斯壁藏君臣之道

父子之教人無求行之者蓋輕義也恐壞斯壁毀斯文命共王以壞之伏生以誦之使天皎然如上古之道其大矣哉銘曰

據山高兮為秦城鑿池深兮為秦坑城之高兮胡先壞池之深兮胡先平伊斯壁兮藏家書歷秦亂兮猶不傾壞之者共王誦之者伏生發典謨訓誥之義振金石絲竹之聲如天地兮否而後秦如日月兮晦而後明秦之焚兮未盡我不為燼秦之坑兮未得爾滅其國江海涸竭乾坤傾側唯斯文兮用之不息

詩禮堂銘

李東陽

闕里孔廟之東有詩禮堂蓋舊名也按察僉事黃君繡重建茲廟嘗聞故衍聖公弘泰言金章宗謁廟時為行幄以駐蹕此去有司請撤之章宗云留孔氏為延賓齋遂止勿撤迺燬于火今稍移而東南數武許加崇廣焉因為銘以遺今衍聖公聞韶俾識之銘曰

惟孔有庭聖訓攸在父立子過其徒是賴其訓維何維詩及禮手所刪定教自家始聖不可作庭之固存萬世是師矧惟子孫有齋延賓金所駐蹕彼

夷則然矧我中國新廟既闢新堂亦遷有來繩繩  
世守勿愆

金絲堂銘

李東陽

金絲堂舊在孔廟左廡之東東直井前直詩禮堂  
嘗掘地得石刻知為孔子故宅蓋世所傳魯共王  
聞磴絲竹之聲者也故歷代之樂器藏于其間比  
者廟燬而堂猶存新廟之闢堂地皆入左廡金絲  
則移而西與詩禮正相直東陽既各為篆額復為  
銘金絲之銘曰  
維孔有宅曰惟聖門魯共何人欲壞更存維壁有

書四代之文維堂有聲八音是聞此事茫昧書則  
真者有堂載新宅固其舊聞樂知德斯言已久金  
絲在焉名不可朽昔堂在東今堂在西欲究厥初  
視我銘詩

顏樂亭銘

程顥

天之生民是為物則非學非師孰覺孰識聖賢之  
分古難其明有孔之遇有顏之生聖以道化賢以  
學行萬世心目破昏為醒周爰闕里惟顏舊止巷  
汙以榛井堙而圯鄉閭蚩蚩弗視弗履有卓其誰  
師門之嗣追古念今有惻其心良價善諭發帑出

金巷治以開井潔而深清泉澤物佳木成陰載基  
載落亭曰顏樂昔人有心予付予度千載之上顏  
惟孔學百世之下顏居孔作盛德彌元風流日長  
道之無疆古今所常水不忍廢地不忍荒嗚呼正  
學其何可忘

顏樂亭銘

蘇軾

顏子之故居所謂陋巷者有井存焉而不在顏氏  
久矣膠西太守孔君宗翰始得其地浚治其井作  
亭於其上命之曰顏樂昔孔子以簞食瓢飲賢顏  
子而韓子乃以爲哲人之細事何哉蘇子曰君子

之於人也必於其小者觀之自其大者容有僞焉  
人能碎千金之璧不能無失聲於破釜能搏猛虎  
不能無變色於蜂蠆孰知簞食瓢飲不改其樂爲  
哲人之大事乎乃作顏樂亭銘以遺孔君正韓子  
之說且以自警云

天生蒸民爲之鼻口美者可嚼芬者可嗅美必有  
惡芬必有臭我無天遊六鑿交聞騫而不反跬步  
商受偉哉先師安此微陋渺然其身中亦何有孟  
賁股慄虎豹却走我求至樂千載無偶孰瓢從之  
忽然在後

孔公道輔擊蛇笏銘

石介

天地至大有邪氣干於其間爲凶暴爲殘賊聽其肆行如天地卯育之而莫禦也人生最靈或非類出於其表爲妖怪信其一端如人蔽覆之而莫露也祥符年間寧州天慶觀有蛇妖極怪異郡刺史日兩至於其庭朝焉人以其爲龍舉州之人內外遠近罔不駿奔於門以觀恭莊肅祇無敢怠者今龍圖待制孔公時佐幕在是邦亦從郡刺史於其庭公曰明則有禮樂幽則有鬼神是蛇不亦誣乎感吾民亂吾俗無故以手板擊其首遂斃於前則蛇

無異焉郡刺史暨州內外遠近庶民昭然若發蒙見青天覩白日故不能肆其凶殘而成其妖惑易曰是故知鬼神之情狀公之謂乎夫天地間有純剛至正之氣或鍾於物或鍾於人人有死物有盡此氣不滅烈烈貞貞彌亙億萬世而長在在堯舜時爲指佞草在魯爲孔子誅少正卯刑在齊爲太史簡在晉爲董狐筆在漢武帝朝爲東方朔戟在成帝朝爲朱雲劍在東漢爲張綱輪在唐爲韓愈論佛骨表逐鱷魚文爲段太尉擊朱泚笏今爲公擊蛇笏故佞人去堯德聰少正卯戮孔法舉罪趙

者晉人懼辟崔子齊刑明距董偃折張禹劾梁驥  
漢室又佛老微聖德行鱷魚徒潮患息朱泚傷唐  
朝振怪蛇死妖氣散噫天地鍾純剛至正之氣在  
公之笏豈徒斃一蛇而已軒陛之下有罔上欺君  
先意順旨者公以此笏指之廟堂之上有蔽賢蒙  
惡違法亂紀者公以此笏麾之朝廷之內有諛容  
佞色附邪背正者公以此笏擊之夫如是則軒陛  
之下不仁者去廟堂之上無奸臣朝廷之內無佞  
人笏之功也豈止在一蛇公以笏而爲任笏得公  
而爲用公爲朝廷正人笏方爲公之良器敢稱德

於公作笏銘曰

至正之氣天地則有人惟靈物笏乃能受笏之爲  
物純剛正直公惟正人公乃能得笏之在公能破  
蛇妖公之在朝讒人乃消靈氣未竭斯笏不折正  
道未忘斯笏不藏惟公寶之烈烈其光

詩歌

唐

謁宣聖廟應制

張說

開元  
宰相

孔聖家鄒魯儒風藹典墳龍驂過舊宅鳳德詠餘  
芬入室神如在升堂樂自聞懸知一王法今日侍



明君

張九齡開元宰相

孔門泰山下不見登封時徒有先王法今為明主  
思恩加萬乘幸禮致一牢祠舊宅千年外光華今  
在茲

宋

題祖廟

孔道輔

秦火自焚寧害聖金絲堂壁闕家書典墳啟發皆  
天意非謂共王好治居  
門有詩書不華彩素王留得好生涯行人莫訝頻

回首天下文章第一家

祖聖手植檜

孔舜亮四十六

聖人嘉異種移對誦絃堂燮本無今古千年任雪

霜右旋符地順左紐象乾剛影覆詩書府根盤禮

義鄉盛同文不朽高與道相雪沫泗滋榮茂龜蒙

借鬱蒼毓靈全木帝鍾秀極勾芒氣爽群居席煙

凝數仞牆陰連槐市綠子落杏壇香布露周千尺

騰凌上百常傍欺泮林小遠笑嶧桐黃屹若擎天

柱森如出日桑風中雕虎嘯雲際老龍驤直欲驚

魑魅端疑待鳳凰鱗差闕鞞甲幹錯羽林槍大節

忠臣槩堅心志士方魯宮侵不得秦火縱何傷宣  
子休誇樹姬人謾愛棠松卑虛視爵花賤枉封王  
誰念真儒迹何當議寵章

趙鼎 宛州府

擢秀真儒宅垂陰數仞牆封培因聖力茂悅得靈  
長根踞龍蛇蟄枝延鸞鷲翔勞躬師禹稷蔓草薶  
韓莊偃蹇明堂幹蕭森岱嶽陽圍欺漢武拓愛掩  
召公棠日月成塵劫乾坤屢戰場仁恩感樵牧忠  
厚及牛羊不有神明護寧逃剪伐傷歲寒千古色  
宜並子孫昌

謁孔林

揚文郁

悠悠往古繼來今天地無窮照孔林兩下金絲堂  
下拜門生無負百年心

謁廟

錢伯言

直隸關

接得丹枝黼座旁至今衣袖有天香猶嗟不及成  
均謝先擁朱幡拜廟堂

高詡

孟津人

帝王而下幾興亡銷盡繁華作戰場惟有東家詩  
禮在子孫萬古讀書堂

六經不幸六於秦日月曾何礙片雲用舍從來關

治亂皇天本不喪斯文

謁宣聖林

進士 右亡

靈光殿古生秋草曲阜城荒樂晚鴉惟有孔林殘  
照裏至今猶屬仲尼家

陳國瑞 蒲陽人

當時獨說三桓盛列國惟知五霸強爭識素王尊

道義孔林墳木至今芳

和前韻

林伯顯 國子司業

生民未有如夫子好學皇皇最自強功業當年佳

坎壈名聲後世愈芬芳

題尼山毓聖侯祠

陳國瑞

承詔尼山寵錫封為言毓聖特褒崇五峯鴈列崗

巒秀一洞龍蟠氣象雄河潤因知流澤遠頂巧猶

見肖形同生民未有如夫子釋奠春秋代代隆

遊尼山

尼丘高古接蒼穹請禱當年嶽降同隱隱峯巒鍾  
秀氣巍巍殿宇享尊崇坤靈洞迥人曾入文德林  
深路莫通毓聖封王元有自千秋萬載賴神功

尼山秋祭

巍巍雄鎮倚晴空一抹煙嵐黛色濃深處半含金

翡翠層巒高插玉芙蓉雲開虎洞清溪透雨臥龍  
碑碧蘚封三獻禮成開竚立手捫日月思從容

謁林廟

吳松都官員

高天之有文星辰蓋穹碧厚地之有文草木秀野  
色草木既無辭星辰亦難測詎侔人之文五經爲  
藝極五經主者何豈非至聖力三才久虛位待我  
老師宅秘亦窮經者自謂入闔闔天地無逃數世  
人猶自惑代移文不移宜在弟子職薰香達誠悃  
滴酒瀝胸臆瞿然見威容長林聳墳側

金

党懷英

魯國遺蹤墮渺茫獨餘林廟壓城荒梅梁分曙霞  
樓影松牖回春月駐光老檜曾沾周雨露斷碑猶  
載漢文章不須更問傳家久泰岱參天汶泗長

手植檜印章

麻九疇

梁析山樵入小成日華留得寸暉明不盈一握空  
蟲篆未喪斯文粗姓名草木西周朝有暮圖書東  
觀死猶生二千年後司封紐未信我時出此情

元

謁林廟

揭後斯

峩峩尼山蔽于魯邦篤生聖人維民之綱尼山之  
下有洙有泗有蔚孔林在泗之涘維彼聖人教之  
誘之凡厥有民則而效之維彼聖人覆之載之凡  
厥有民敬而愛之既誦其言亦被其服孰秣其馬  
于林之側既誦其言亦履其武孰秣其馬于林之  
下六轡既同周侯之東薦之侑之聖人之宮其音  
揚揚其趨踰踰其臨皇皇聖人允臧商民之圖式  
昭其敬載瞻載思罔不由聖

謁聖陵

張起巖翰林學士承旨

迢迢魯城陰長林肅秋色脩門負平崗重墉屹玄  
宅交祠轟雲霄文楷問蒼柏翁仲儼儀衛齋廳廠  
虛白境土自清曠密茂不容隙巢居絕禽鳥鬱茁  
無寸棘苔蘚帶堅埴草露濕寒碧肅躬款崇闕屏  
氣前跋躅高陵遂瞻仰素願愜平昔聖裔偕守長  
聯翩來接跡羅列儀雍容奠拜助登陟慨然渺深  
思辭容宛如覲徘徊凝睇久景慕遂嘆息緬想萬  
世功綱常賴扶植林林區宇內孰不沾聖澤宜哉  
子孫枝蕃衍挺珪璧百代如一日附瓏守宗國欲  
歸重躊躇歷覽撫碑刻崇文際皇元新廟再修飭

風厲示多方鐫銘有穿石

陳天祐

枳棘不生開聖道烏鳶遠去避神靈  
傷心試問林梢月早晚重脩駐蹕亭

謝芳賓

聖道遺宗主干戈隔歲年相傳周禮樂  
曾是魯山川日月靈光闕乾坤氣象全  
東家典刑在喬木冷參天

拜奠宣聖祠墓

王惲山東副使

庭訓墮渺茫師授悖嚴戒老子不惑年  
行已得夷

隘今歲客東魯似為神所介駕言逐秋風  
得展闕里拜遙遙魯甸餘汶水走湍瀨  
憑軾望雲林鬱鬱佳氣鬢齊莊趨兩楹  
奠獻成孤酌歸然三聖封仰止高泰岱  
恨生千載後今夕備掃洒披雲覩天日  
太極開一畫彼蒼詎能言諄諄聖為代  
三綱與九法範圍無內外君臣以之定  
乾坤以之泰東周不可為述作萬古賴  
眇眇聆徇鐸音光化雷雨解敬想燕居  
容金聲鏗玉珮當時七十子授受嚴如  
待鳳兮鳴幾時諸子沸秋籟一朱亂紅  
紫百谷茂稊稗愚者甘下達誕者樂語  
怪韞藏寶康瓠斡棄清廟

飛明倫得不泯而有六經在天高孰可階一氣包  
厚載茲遊固難言默契心有會胸中九雲夢吞納  
失蒂芥循循善誘詞師也書諸帶緬懷伯禽業郁  
郁文獻最三桓張公室霸功熾而快一奢去無復  
荒陵餘石獬煌煌天乙孫膚斂半冠蓋德博慶自  
脩道大勢能邁今泥貫元精泗波來遠派汪濊一  
聖海不隨梁木壞歸侍金絲堂持齋聞磬欬恍如  
到帝所鈞天廣樂備洗我兩耳聰肉味忘一最詠  
歸寫遺音風雅變鄙邶一簞老東家吾知其樂大  
遲遲不忍去寒日下蒼檜

奎章奏對回至李漑之學士宅宣旨行香孔  
林案上得佳紙并鎮紙玉蟾因賦此詩

虞集

聖恩深念魯東家林木蕭條散暮鴉丹詔先令修  
古廟彤庭即日遣皇華閣中學士馳山驛天上文  
星絢海霞偶為傳宣到書閣就牀奪得玉蝦蟇

謁孔林

汪澤民

兗州知州

巖巖泰山陽湛湛洙泗水鬱鬱楷樹林行行瞻闕  
里廟庭獲展敬德容斯仰止當座儼龍蹲參前疑  
鳳峙羞蠲拜陵下慨嘆曷能已六籍苟磨滅九法

孰條理宜哉百王師萬國恒通祀矧茲禮義邦神  
化素漸被分符誠愚朽鉛刀思礪砥上答罔極恩  
下不愧為士

謁廟

楊奐

會見春風入杏壇奎文閣上獨凭欄淵源自古等  
洙泗祖述何人似孟韓竹簡不隨秦火冷楷林空  
倚魯城寒飄零蹤跡千年後無復東西老一簞

次韻

韓文獻

盧龍人

萋萋野草翳雲壇回首尼山一倚欄空想文風復  
鄒魯豈知俗學尚申韓虛堂畫寐禽聲雜高閣春

深檜影寒樂道獨憐紫陽子忘情軒冕羨壺簞

次韻

劉翊

上谷人

乘閑策杖上郊壇絕勝登樓靜倚欄千古遺蹤思  
孔孟百年雅集數申韓泉通鰲背波紋冷月照龍  
門夜色寒此去關西有東魯柳塘沙路走壺簞

蔡文淵

東平人

翼翼素王宮棟宇明朝曦誠心一瓣香拜奠謹如  
儀上願國祚昌文教振一時下願民安業風俗變  
純熙吾道亙天地綱紀斯民彝血食徧海宇巍巍  
帝者師鯁生無肖似瞻企遂所期從容舞雩風歸



詠樂無涯

登奎文閣

陳祐 山東按察使

聖道如天不可階  
聖門良為後人開  
它時點檢平生樂  
首憶奎文閣上來

謁廟

周伯琦

翰林修撰

闕里宣尼宅  
儒林禮樂區  
右文昭代盛  
報德聖恩殊  
天語頒中禁  
星輶發上都  
內廷香繞案  
光祿酒浮壺  
持節慚專對  
于原慎載驅  
秋陽稀稼穡  
晝路走槐榆  
歷歷由濟汶  
行行望泗洙  
岱宗標近甸  
魯殿沒荒蕪  
不見三家采  
惟餘五父衢  
祠嚴柔日逼

林近絕晨趨廢堞依  
脩阜危臺記舞雩  
廟宮參象緯書閣壓城閣  
反宇周阿峻迴廊百步紆  
蛟鱗蟠玉柱螭首響金鋪  
庭迥檜千尺壇虛杏數株  
省牲新雨霽釋奠舊章敷  
闢戶陳籩豆登歌應瑟箏  
簞居玄聖儼侑食列賢俱  
興擷鏗珩珮周旋顧履約  
裸將宸意達祝告下誠孚  
明燎輝雲陛祥熏集寶鑪  
共觀周典禮寧數漢規模  
似續于今盛欽崇古無繚  
垣隆象魏穿石峙龜趺  
萬卷牙籤秩雙亭翠竹扶  
山川光拱揖泉井澤沾濡  
推本尊師道題名述廟謨  
佇看幾束帛豈復嘆乘桴  
制作先東魯

朝廷用大儒愚生亦多幸歸上孔林圖

謁孔廟

楊惠

江浙參政

分符適東魯喜及聖人門洙泗流芳遠龜蒙著望  
尊過庭遺訓在變道古風存治代猶崇重承家有  
孝孫

謁孔林

王德脩

濟寧太守

東魯稱文獻厄防毓聖賢道開周宇宮神照魯山  
川翠合知林墓翬飛識廟堧殿庭千百載風雨幾  
經年為牧于茲久脩車愧不先德如宣父在裕及  
子孫綿昭代猶加尚明庭已降錢楸楠會山積棟

宇見星連禮樂從斯盛蘋蘩且致虔斯文應未墜  
吾道日平平

劉惠淵

蓬山人

七十皇皇席靡安周流列國始旋轅發明天理見  
經旨整頓人倫奎亂源比德唐虞賢更遠齊仁覆  
載道彌等君王師範渾無報世世榮封裕後昆

國朝

謁廟

七名氏

周室東遷嘆黍離篤生玄聖在當時六經載籍斯  
文主萬代攸宗王者師慶衍魯邦綿子姓轍環天

下仰容儀竭來瞻拜門牆下得遂平生願學私

謁闕里

錢溥 吏部尚書

宦遊中外四旬多老去專從闕里過三氏共存周  
典禮諸生不廢魯絃歌道行直與乾坤久自絕其  
如日月何一辨心香知報處六經遺訓耿難磨

吳啓 江陰人 霍州學正

德配乾坤冠百王儼然遺像藹春陽杏壇已廢琴  
聲久檜樹猶含手澤香道在六經垂萬世教明五  
品正三綱平生久仰酬深願彷彿當年立孔牆  
道大如天信莫登恩酬罔極竟無能微垣不忝司

文柄闕里何由拜孔陵千頃祭田香黍熟半林楷  
木綠陰層一杯黃土留遺迹直與乾坤共廢興

張麟 山東兗事

道德巍巍聖乃神乾坤無不藉陶甄三千禮樂扶  
名教二百春秋止亂臣落月每懸庭檜晚光風長  
挹杏壇春得瞻聖像何多幸敢把微名與勒珉

孔壇老杏

孔公璜

古木參天黛色新祖庭深處自無塵千年道德猶  
宗聖百世絃歌尚有人花戰東風承化雨樹留西  
日醉陽春遙遙旌節躬瞻拜盡是清朝老縉紳

謁孔廟

張蕙

監察御史

殿陛周旋禮再施  
喜逢春屆上丁時  
便家憲使初無約  
陪我文寮素有期  
群鳥不棲親植檜  
五雲常護

御封碑古今倫理歸  
名教鶴鳴秋陽萬世師

謁孔林

汪舜民

監察御史

杏壇北去無多路  
泰嶽南來第幾峯  
大地一朝收  
間氣晴嵐千古鎖  
幽林六年築室人  
何在  
三世題碑迹可尋  
獨辛遺經能載道  
至今不朽淑斯人

黃仲芳

山東參議

路入垣門一徑幽  
素王高塚幾千秋  
山連岱嶽佳  
城壯樹入青齊泗  
水流華表麒麟來  
故宋寧碑鳥篆自  
東周  
鮒生何幸躬瞻拜  
欲薦蘋蘩答

聖猷

謁闕里廟

徐源

廟庭曾拜學宮傍  
今日真登闕里堂  
六十年代孫隆  
聖澤二千年相聳  
穹蒼題名石刻多  
文字駐蹕亭  
采幾

帝王渺渺乾坤誰  
共父尼山顏色秀  
東方

夏寅

山東右布政

濁世生夫子巍然庶聖雄轍環無位日力挽向頽  
風禮樂遵皇道春秋擬化工一元雖有數太極本  
無窮斟酌為邦憲剛修翼世功三千羅弟子七十  
賚王公夷夏綱常辨乾坤履載同東周鳴鳳已西  
狩獲麟終闕里看縫掖諸生守會通兩楹終古奠  
八佾

大明崇

帝已加殊錫恩思理故宮大音金石在科斗壁書空小  
子來遊暮斯文未墜中升堂抗賓禮行聖復謙冲  
初至河上謁闕里廟有述 劉大夏兵部尚書

